

محمد خير الدين يكتب: "تنبيه العجول إلى فوائد التبغ والفول" (2)



الأربعاء 21 مايو 2014 12:05 م

السياسي : احنا بنصدر الغاز الطبيعي بتاعنا إلى إسرائيل وبنرده تانى ونشتره بعشرين ضعف ثمنه الأصلي .
العبيد : يا عينى على الاستثمار الحقيقى !! أدى الشغل واللا بلاش !!
مرسى: سنراجع كل اتفاقيات الغاز الذى باعه مبارك برخص التراب لاسرائيل ولانم نرجع كل حقوقنا المسروقة تانى .
العبيد : استعبط علينا يا عم انت .. انتا بتوديه لاخوانك فى غزة ..وحماس .. العب غيرها يا خويا .

السياسي : الذهب .. هههههههه . الذهب يا جماعة خلاص ... بح .. عارفين مين سرقه ..؟؟ مش حتصدقوا .. الفراعنة
ولاد الحرامية سرقوه واستولوا عليه وخبوه فى المقابر والمعابد ...
العبيد : يا سلام عليك يا كبير .. يا كاشفهم كلهم .. واحنا ينقول الاهرامات دى معمولة ليه .. بقى لازم نهدم الاهرامات
وندور على الذهب ..
مرسى: الخير كثير عندنا وثروتنا المعدنية بلا حدود .. وعندنا ثروات طبيعية تغينا عن العالم كله .. بس عاوز ناس مخلصه
قلبها على البلد
العبيد : الراجل ده بيخرف ويقول ايه؟؟

السياسي : برنامجى الانتخابى قائم على حاجتين مهمين جدا جدا .. الاولانى : مفيش ... والثانى : إبادة الاخوان من
الوجود .
العبيد : الله عليك يا أسد .. فعلا منقذ مصر .
مرسى: العدالة .. الحرية .. المساواة .. الديمقراطية ..احترام ارادة الشعب ... انا جاى من اجل هذه الامور ..
العبيد : موت يا حمار لما يجيلك العليق !!

السياسي : اللى حيتظاهر مالهوش عندى غير الرصاص الحى والغاز السام ..والاعدام ... وبالقانون وبالقضاء العادل اللى
تحت جزمتى .
العبيد : طبعاً .. هى سيبة .؟؟ وريهم العين الحمراء يا كبير
مرسى: حق التظاهر مكفول .. والحرية مكفولة .. مفيش قلم يقصف فى عصرى .. مفيش اعتقالات .. مفيش ظلم ..
مفيش قهر ..
العبيد : اسكت يا قاتل يا مجرم .. مش انت اللى قتلت الناس فى موقعة الجمل؟؟

السياسي : أنا طلبت برفع مرتبى عشر مرات بس . عشان عارف ظروف البلد . .. والكام مليون اللى بأخداهم يا دوك
مصارييف العيال وامهم .. انتم عارفين البطاطس غلت والطماطم كمان ... يا دوك باشتري كام رغيف ونبات كمان ساعات
من غير عشا .. يا جماعة لازم نتكشف شوية من اجل مصر
العربية بتاعتى يا دوك بخمسة مليون دولار وساعتى الاوميجا يا دوك بستين الف جنيه ...دا غير المليارات اللى فى
البنوك ...وحياة ماما مليكة الفلوس دى منظورة ومحسودة ... شفتم بقى انا باضحى ازاي من اجل مصر ..
العبيد : والنبي تستاهل تقلك ذهب يا كايدهم .
مرسى: الحمد لله ..انا حتى الآن أسكن فى شقة مفروشة بالايجار .. وتبرعت بمرتبى من اجل مصر ..

